



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

10. Arbori vitae naturalem vim fuisse conseruandi hominis.

**urn:nbn:de:hbz:466:1-45686**

nunquam maturescit; sed tamen utilis est, gignit enim culices, qui deaolantes ad veram sicum, perosso fructum cortice, in maturitatem educunt. Xerxes in Lydia, cum vidisset proceram planum, diem solidum, ad eandem, exegit, nulla postulante necessitate, & castra posuit, circa illam; quin & curatorem ei reliquit, quasi custodem. Erat & Romanis haec tam grata arbos, ut eam vi no irrigarent. Quis judicet Paradiso indignam? quis vlmum, laurum, abietem inde excludat, quas regum delicatissimi, siluulis horrendibus intulerunt? Multoque incredibilius est, has tales arbores tunc fructiferas fuisse; post peccatum autem Adami, fructus ad esum aptos ferre desisse. Si enim lapsus ille ipsius hominis naturalia bona non extinxit, cur bona arborum plantarumque abstulisset? aut cur aliarum arborum fructus tam dulces reliquisset? sufficerent peccatoribus malua, squilla, faba, caules & glandes, asphodelus, & lupinum, si ita Deus eos punire voluisset. Certe divina historia affirmit; Deum produxisse, in Paradiso *omne lignum pulchrum visu.* At multa sunt ligna visu pulcherrima, quae fructuarent. Nempe fructus est etiam optimus ipsa pulchritudo. Ezechiel quoque testatur, in Paradiso, cedros, platanos, & abies extitisse. Quare cum dicitur; *Deum produxisse omne lignum pulchrum visu,* & *ad vescendum suave;* item; *Ecce dedi vobis omnem herbam afferentem semen super terram,* & *vniuersa ligna, que habent in semetipsis sementem generis sui,* ut sint vobis in escam, & cunctis animalibus terra: itemque, *ex omni ligno Paradisi comedere;* ea in sensu disiuncto, non coniuncto sunt accipienda; hoc est, non de omni herba & ligno absolutè, sed de omni planta ferente fructus ad edendum opportunos. Constat profectò, aliquot esse plantarum seu lignorum genera, quae non sunt pulchra visu, & tamen fructus admodum suaves pariunt, vt vitis, cuius lignum ad nihil valet, nisi ad ignem nutriendum. Ut ergo Paradisus palatum oblectaret, arbores habuit pomis alijsque fructibus onustas; vt oculis afferret plenam voluptatem, plantas exhibuit sola florum, foliorumque venustate blandientes.

Ante omnes tamen arbores vnica erat omnium nobilissima; atque ea propter, tanquam cor, aut centrum, in medio Paradisi collocata, longè yriique & natura, & effectu, ab his mortalibus

nostris plantis diuersa. Siquidem illa *arbor vite* appellata est, non quod ab extrinseco, & supernaturali quodam munere Dei (nisi nonnulli arbitrati sunt) vim habuerit hominis ab interitu preseverandi; sed id ei ex vi propriæ naturæ eidem diuinitus indita competit, ut quicunque ex ea vescerentur, quasi nectare quodam aut ambrosia Deorum (ut postea ex hac vera historia Poëta fabulati sunt) vitam propagarent. Cuius rei argumentum est, quod etiam Adamum peccato iam mortem commeritum, eiusdem ligni vis & beneficium, à morte preseruare potuisse, nisi Deus eum adhibita Angeli custodia, deinceps de ligno vitae sumere prohibuisse. Si igitur ponimus, hanc arbori huic virtutem fuisse naturalem, perspicuum est, eam arborem, ab omnibus his arborum generibus fuisse diuersissimam, quippe nulla eiuscmodi vi potest, juxta vulgatum illud:

*Contra vim mortis, non est medicamen in hortis.*

Laudatissima herbarum est, Homero teste, quam vocari ab aliis putant *moly*; & quam contra summa veneficia valere crediderunt. Sed ea vel fabulosa fuit, vel contra unum alterumque venenum genus duntaxat, potuit adhiberi; mortem tamen pellere, ac vitam non potuit aternare; sicut potuit *arbor vite*; ut probabilitus S.

S. Augustin.

lib. 13. de ci-  
mit. cap. 20.

S. Chrys.  
hom. 18. in  
Genes.

S. Thom.

1. p. q. 97. 2. 4.

Scot. in 2.  
sent. dist. 19.

q. 1.

Gen. 3. 23.

Augustinus & Chrysostomus docuerunt; tametsi præclaris Doctores, & ipse D. Thomas existimarent, arbori illi vim infuisse, ad longum duntaxat tempus, non autem perpetuò hominem à morte naturali conseruaturam. Sed SS. Patrum sententia diuinis litteris magis consonat, quæ clarè ita loquuntur; immo, in ijs, Deus: Ecce Adam, quasi unus ex nobis factus est, sciens bonum & malum: nunc ergo, ne forte mittat manum suam, & sumat etiam de ligno vite, & comedat, & vivat in aeternis. Et emisit eum Dominus Deus de Paradiſo voluptatis, ut operaretur terram, de qua sumptus est. Eiecitque Adam: & collocauit ante Paradiſum voluptatis Cherubim, & flameum gladium acque versatilem, ad custodiendam viam ligni. Quid opus fuisset haec custodia, si ligno illi, post peccatum protoplasta, vis pristina amplius, & quidem perpetuò conseruandæ vite non infuisse? quām apertè dicitur: ne forte mittat manum suam, & sumat de ligno vite, & comedat, & vivat in aeternum. Ceterè, si virtute naturali fructus huius ligni, potuit resouere calorem

naturalem,

naturalem, ac humidum radicale, ea perfectione, quæ in virilis ætatis statu esse solet, restaurare; conficitur, quotiescumque Adam fructu illo usus esset, corpus eius semper reflorescere, atque ita cum æternum sine senio vivere potuisse; vel, si non in peccatum lapsus esset, donec Deo placuerit ipsum ad beatiora vitam in cælum transferre.

In tali non agro, sed horto, Creator hominem initio posuit, ubi neque labor, neque senium, neque morbus, neque mors, neque tedium ullum; sed omnia terræ bona sponte & abunde proueniebant; ubi passim oculis simulq; naribus ad blandiebantur panace, nepenthes, amaracus, ambrosia, lotus, rosa, viola, hyacinthus, & Elysij campi. Atque in his quidem positi delicijs Adam & Eva nequaquam à fletu sunt auspicati vitam, sed primum decorissimo mundi aspectu exhilarati suam felicitatem; & in hac ipsa quoque tam beata habitatione, quandam Numinis imaginem, Numinis, inquam, undeque beatificauerunt. Quanquam & alia Numinis imago homini est impressa, quam S. Bernardus etiam atque etiam monet intuendam, dum ait: *Intellige dignitatem tuam, nobilis creatura, quoniam non solum insignita es Dei imagine, verum etiam decorata similitudine.* Et iterum: *Quid maius his tibi facere potuit, quam ad similitudinem suā conderet factor tuus?* Attende igitur diligenter prime conditionis tua excellentiam, & veneranda Trinitatis imaginem in te ipso agnoscere. Quin, ut doceat, quid sit ista Numinis & hominis vel imago, vel similitudo, addit: *Considera nobilitatem tuam, quod, sicut Deus ubique est totus, omnia vivificans, omnia mouens & gubernans: & sicut Deus, est, vivit, & sapit;* ita tu secundum modum tuum, es, viuis, & sapi: & sicut in Deo tres sunt personæ, Pater, Filius, & Spiritus sanctus; sic tu habes tres vires, scilicet intellectum, memoriam, & voluntatem.

Principes si rem quampiam vel saluam volunt, vel honoratam, insignia sua illi appendunt, sigillum imprimunt, ne violetur. Ita ex diuina imagine homini à Deo impressa, intelligimus, quantum in eum diuinæ authoritatis, dignitatis, maiestatis voluerit deriuare. Sua eum imagine insigniuit, ut ei cælum & terra servire, ut Angeli ministrare, ut bestiæ obedire non dedignarentur, ut ipsi atri dæmones nocere non auderent; denique similem eum

sibi

## XL

S.Bernard.de  
interna do-  
mo. cap. 67.

## XII.